

mentum per succendentia temporum curricula invio-  
labiliter conservetur, manu propria eum subtus  
firmantes, annuli impressione nostri insigniri jū-  
simus.

Signum Domini Ludovici gloriosissimi regis.

A Odylo notarius ad vicem Altaldi archiepiscopi re-  
legit et subnotavit.

Actum Polliaco villa super Ligerim, iii Nohas  
Febr. indict. vi, anno autem xv regnante Ludovico  
rege glorioso.

## ELECTIO S. MAIOLI IN ABBATEM CLUNIACENSEM

*Vivente Haymardo itidem abbat.*

(Anno Christi 954.)

Ordine divinæ dispensationis cum primum sacris legibus a patriarchis et prophetis, tum etiam huma-  
nis cōsulibus et regibus motus populorum compri-  
meretur, post tempore incarnati Verbi ignea rhom-  
phæa in ostio paradisi fonte lateris Christi extincta,  
ut regnum Dei violentius raperetur, cœpit status Ecclesiarum ab apostolicis viris piis moribus infor-  
mari, et demum a sacris yiris et abbatibus in subdi-  
torum mentibus regularis ordo disponi, ut per eam currentibus facilis cœlestis patriæ videretur ascen-  
sus. Sicque fit, ut quanto quis per exempla pietatis paterno cultu se ad excelsa erigens processerit, et subditis ad cœlestia sequendi ducatum prebuerit,  
tanto a remuneratore Domino multiplex mercedis et filiationis fenus percipiet. Et quoniam ad praelatos respicit quidquid a subditis delinquitur, exemplum pravæ vitae, et negligentiam subditorum, sententia divini examinis ignis gehennæ inexhaustus vin-  
dicat.

Quapropter ego Haymardus, sancti Petri Cluniacensis cœnobii abbas indignus, præsentibus atque futuris omnibus generatim notum esse volo, quia hæc et hujuscemodi mente pertractans, ætate defatigatus, officiis quoque corporis imminutus, dum minus me pastorali cura idoneum persentisco, beati Benedicti capitulatim [f., capituli] de constituendo abbate sollicitudine praemonitus (*Regulæ cap. 64*), cum omnibus fratribus meis, filiis et conservis, beati quidem Petri pridem clericum fratrem ac filium monachis Maiolum religiosum eligimus et abbatem esse decernimus, ne insolentia nostræ infirmitatis ordo deterescat, et repulsam in aliquo patiatur, D Domino propitio semper ad meliora provehendus, et ne technam alicujus excusationis prætendat (nam

sicut quis indigne ad regimen incautus aspirat, ita si quis dignus refugit, merito constringendus habetur), concilium episcoporum et abbatum adhibuiimus. Et sicut Cluniacense monasterium Domino auctore a Guillelmo duce fundatum, nomine principis apostolorum sacratum, privilegiis Romanæ sedis insig-  
nitum, regalibus præceptis confirmatum, a reveren-  
dis quoque abbatis domino Bernone et Odone ordinatum constat, ita cum omnibus abbatiis, locis et cellis ubiubi eorum vel nostro tempore acquisitis, prædicto fratri ordinandum tradimus, atque tam ad ordinem servandum secundum beatum Benedictum, et instituta Patrum nostrorum, quam ad res dispo-  
nendas, sub omni integritate, propitia divinitate, vinculis obedientiæ astringimus et abbatem unani-  
miter omnes proclamamus.

Hujus vero electionis et ordinationis ejus seriem C per consultum, ut diximus, primatum comitis, et etiam nostri et advocati Leotoldi litteris sanciri præ-  
cipimus, atque regulariter celebratam ordinationem in Christi nomine confirmavimus, a Patribus et fra-  
tribus nostris scriptis confirmari precati sumus. Acta Cluniacensi cœnobio feliciter. Amen.

Ego Haymardus abbas huic electioni assensum præbui.

Maguboldus sanctæ Matiscensis Ecclesiæ epi-  
scopus.

Childebodus peccator ipso jubente.

Eilbadus episcopus et monachus ipso jubente.

Rodulphus humilius abbas sancti Petri Gavillo-  
nensis.

Richardus humilius abbas.

Et centum triginta duo alii monachi cum eis sub-  
sistunt.